



JUDICIAL SYSTEM MONITORING PROGRAMME
PROGRAM PEMANTAUAN SISTEM YUDISIAL

Komunikadu Imprensa

17 Outubru 2012

**JSMP marka audiénsia ho Prezidente da República
Señor Taur Matan Ruak**

Iha 15 Outubru 2012, Ekipa JSMP (*Judicial System Monitoring Programa*) hasoru malu ho Prezidente da República, Señor Taur Matan Ruak, hodi hato'ó JSMP nia hanoin kona-ba setór justisa ninia lala'ók husi perspetiva JSMP nian hanesan elementu sosiedade sivíl ne'ebé dedika nia aan iha setór ida ne'e.

“Audiénsia ne'e nu'udar espasu ida ne'ebé importante teb-tebes ba JSMP, tanbá fornese oportunidade ba JSMP atu konvida Prezidente da República nia atensaun relasiona evolusaun no andamentu setór judisiáriu, inklui setór ne'e nia progresu no dezafiu sira, tanbá Prezidente da República iha kbi'it Konstitusionál atu asegura funsionamentu regular instituisaun demokrátiku sira, inklui tribunál”, dehan Luis de Oliveira Sampaio, Diretor Ezektivu JSMP.

Durante audiénsia ne'e, JSMP aproveita atu kontinua subliña kestaun klásiku sira hanesan, problema lingua iha prátika administrasaun judisiáriu, prevelensia kazu ne'ebé rejista iha tribunál, liu-liu kona-ba kazu inestu, movimentu iha Tribunál Rekursu iha kontestau aspetu asesibilidade no involmentu públiku iha audiénsia sira iha Tribunál Rekursu no papél defensoria públiku iha aspetu representasaun legál ba ema kbi'it laek sira no efetividade implementasaun Lei Protesaun ba Testemuña.

Aleinde ne'e, JSMP mós husu ba Prezidente atu ezerse nia kbi'it konstitusionál relasiona ho prátika indultu ne'ebé ho apropiadu atu la bele implika esforsu seluk atu hametin regra kriminál sira, kestaun kona-ba rai, Esbosu Lei Programa Reparasaun Nasionál no kriaun Institutu Públiku ba Memória ne'ebé ligadu ho krime pasadu nian, alterasaun ba Lei Pensaun Vitalísia no kestaun kona-ba ema lakon iha tempu pasadu nian.

JSMP konvensidu katak setór justisa nu'udar pilar importante no sentral iha prosesu atu hari'i nasaun, hametin direitu sidadania, kontrola poder polítiku sira, nomos hanesan meus no poder lejítimu atu kontrola potencia ba abuzu poder husi ukun nain sira no atu asegura governasaun ida ne'ebé moos ka dook husi prátika KKN durante períodu V Gorvenu Kontitusionál nian.

Ba kestaun hirak ne'e, Prezidente Taur informa katak preokupasaun hirak ne'e hotu nia lista hotu ona no promete sei apresenta hikas ba instituisaun kompetente sira inklui ho Primeiru Ministru depende ba asuntu ne'ebé JSMP hato'ó no koloka durante audiénsia ne'e.

Audiénsia ne'e enserra hodi entrega publikasaun sira JSMP nian hanesan relatóriu temátiku sira; Imunidade no Previléjiu Parlamentár, Hamutuk Hari'i Sistema Demokrasia Ne'ebé Forte iha Futuru, Inestu iha Timor-Leste no Relatóriu Annual 2011 kona-ba setór justisa nian.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883